

docriver 文川网  
入驻商家  
在文川网搜索古籍、城、书、更多电子书

中國方志叢書·西部地方·第十五號


據

清·宗室興肇等輯  
嘉慶十年晒舊本  
民國五十八年重抄

影印

新疆省

塔爾巴哈台事宜



成文出版社有限公司印行



中華民國五十八年四月壹一版

# 塔爾巴哈台事宜

全一册

發行人：**黃成助**

出版者：**成文出版社有限公司**  
台北郵政信箱二二六〇五號

台北市羅斯福路三段279之二號  
電話：三七〇一三二號

印刷者：**東南印製廠有限公司**  
和平西路二段70巷83弄29號

內政部登記證內版台業字第一一四七號

塔爾巴哈台事宜叙

夫事宜者事務之所宜也有宜於昔而不宜於今有宜於彼而不宜於此者因時致宜變通有道斯治之可以成也然其事建立之初即必有謂及後之變通亦必有因要之一合乎宜而已矣壬子歲前恭贊永公曾彙纂事宜略節一冊分門攄款諸案悉備誠一覽即可明晰此地一切應辦事宜且叮嚀於嗣後如遇有更張增易之處隨時贅入云云可謂勤於政而慮之周者也茲恭逢大清彙典查取一切事宜凡於典例有闕者別門逐

docsriver 文川网  
入驻商家 古籍书城

在文川网搜索古籍书城 获取更多电子书

類造冊咨部查核送館當諭本處所屬各司將自乾隆三十一年建立塔爾巴哈台以來一切案件逐細清查至嘉慶六年止凡於典例有闕者儘數檢出遵照部示條款分年按月纂輯成編業經咨送各部矣因思塔爾巴哈台地方為新疆西北緊要之區西控哈薩克北扼俄羅斯我高宗純皇帝德綏威服山川土地咸入版章遐邇壹體中外禔福迄今三十餘年其戍守屯防之方庫貯倉儲之富布置周密靡有闕遺當今皇上撫馭六宇普恩廣施四夷拱服萬物咸寧斯遐陬永賴以奠安

者皆由因時調劑損益得宜之所致也蒞任甫數十年  
間案牘已屬繁多檢查業形匪易若將來日久年湮後  
之蒞茲土者思考其昔日一切建立之源其陸續至今  
沿革損益之故誠恐檔案或有霉腐不全欲知其所以  
致治之由又安可得哉予承乏以來六載於茲今且奉  
召進京愧無所補因敬乘續修會典盛舉查取添建改  
設各案之會將本處所輯各條令各該有司衙門抄錄  
成冊存案以備蒞茲任勤於政治諸賢便於綜覽矧壬  
子至今十年之間如屯工卡倫官廠損益變通之處頗

有數條正宜續脩兼成永公之志今之所輯者以現在  
所行直書如綱其沿革損益詳著如目如繼此設有更  
張增減之案亦以其文行之事為綱其文行之由具奏  
年月續載於條目之後如此存源引流詳於今而不遺  
於昔雖萬萬年有如指掌是為叙

嘉慶七年歲在壬戌孟秋果齋貢楚克札布書於公廨  
之靜遠亭

塔爾巴哈台事宜一冊係乾隆壬子歲前任叅贊永公  
彙纂分門摠款諸案備悉誠可謂多士餽貧之糧而吏  
科渡津之筏也且叮嚀於嗣後如遇有更張增易之處  
隨時贅入迨至嘉慶己未果齋貢公飭令各有司衙門  
將凡於典例有闕之件沿革損益之條檢查續入抄錄  
成冊亦可謂同聲相應勤政賢能然而是冊輯運極周  
碩皆依類編叙似未如條目分陳之確當因不揣固陋  
謬為分類編輯四本裝潢成套其內有詳可當詳而不  
厭其繁略可當略而不嫌其簡逐案逐款務歸明晰以



俟後之蒞茲土勤政治者一目瞭然第自己未續纂之  
後又復四年可有辦過增添奏咨准覆之案亦有數條  
並境內山水名目似應續載以承前二公之志嗣後遇  
有更張增易之處亦可隨時贅入庶免卷帙參差且得  
易於稽考則更望於同志者也嘉慶十年歲次乙丑孟  
夏宗室興肇漫識

塔爾巴哈台事宜

凡例

一凡各條事宜俱以現在可行爲綱書於本條平行之首其設立及沿革損益具奏年分俱詳著於綱領降格之後加一查字

一凡各條事宜內奉有高宗純皇帝諭旨俱高三抬奉有皇上諭旨俱高兩抬

一凡一事而兩條內俱有闕涉者如叙官俸餉及營制兵防議叙屯田煤窯等條所有章程定例只詳載於本

條之下其關涉條內即不贅叙以免重複

塔爾巴哈台事宜卷之一目錄

疆理  
附山水

城垣

宮殿

壇廟

叙官

戶口

田賦

錢法

關稅

塔爾巴哈台事宜卷之二目錄

襍賦

庫藏倉廩積貯

添設俸餉

開設新疆建立州縣

改設營制兵防

歷次蠲卹

塔爾巴哈台事宜卷之三目錄

議處議叙議卹

軍政薦舉

添建營房

船隻

公廨

倉廩

軍器

水利

薪炭

匠役

貢馬

卡倫

塔爾巴哈台事宜卷之四目錄

軍台

貿易

屯田

官廠牲畜

煤窯





埃爾巴吹台書目 目金

|  |  |  |  |  |  |  |  |  |
|--|--|--|--|--|--|--|--|--|
|  |  |  |  |  |  |  |  |  |
|--|--|--|--|--|--|--|--|--|

docsriver 文川网  
入驻商家 古籍书城

在文川网搜索古籍书城 获取更多电子书

塔爾巴哈台事宜卷之一

疆理

塔爾巴哈台

查塔爾巴哈台地方東至科布多交界烏隆古河約  
八百餘里東南至烏魯木齊所屬之庫爾喀喇烏蘇  
交界三百八十里南至伊犁交界沁達蘭山三百八  
十里西至愛古斯哈薩克部落約四百餘里北至科  
布多交界之鄂爾齊斯河六百里至鄂羅斯部落約  
八百餘里環山帶河廣袤數千里為伊犁烏魯木齊



境內山水

塔爾巴哈台山 即楚呼楚山在城北一百餘里

巴克圖山 在城西七十餘里

巴爾魯克山 在城南二百餘里

額密爾河 在城南七十里河有兩源一自東南一自東北至毛海柯凌匯河西流入阿拉克圖古勒淖爾綿亘三百餘里

裕勒雅爾河 在城南二百里

阿拉克圖古勒淖爾 在城西南三百餘里

額彬格遜淖爾 與阿拉克圖古勒淖爾相隔二里

查七處山河載在祀典此外山則有賽里山 在城東八

百餘里山之陽名霍博克賽里即土爾扈特游牧

有毛海柯凌山

在城東北二百餘里

有鄂勒霍楚爾山

在城東二百餘里

有沁達

蘭山

在城南三百十里與伊犁交界

有格德蘓山

在城西南三百餘里

有達爾達木圖山

在城東南二百餘里

有珠爾呼珠山

在城北

稍東二百餘里

有烏里雅蘇圖山

在城北七十里產煤

水則有固

爾圖河

在城東南二百餘里

有布克圖河

即達爾達木圖河在城東

稍南三百餘里

有額爾齊斯河

在城北六百餘里與科布多交界

有寨

桑淖爾

在城北偏西五百餘里

有噶札勒巴什淖爾

在城東四百餘

里有札哈蘓淖爾

在城東北附近額爾齊斯河


又哈爾海圖小

卡之外有哈拉塔爾依西根淖爾東南戈壁之間有  
特依里淖爾以上諸水汲引灌溉多資游牧廣利屯  
田惟依西根特依里淖爾不與焉

|  |  |  |  |  |  |  |  |  |
|--|--|--|--|--|--|--|--|--|
|  |  |  |  |  |  |  |  |  |
|--|--|--|--|--|--|--|--|--|



1  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20





城垣

塔爾巴哈台城一座週圍二里七分連塚口高一丈八尺底寬一丈二尺海墁寬八尺東西南三門乾隆三十一年叅贊大臣阿桂奏請頒賜城名綏靖東門名翔西門名布悅南門名遂亨

查乾隆二十九年平定新疆之後經伊犁將軍明瑞會奏奉旨着叅贊大臣綽克托由烏嚕木齊帶領綠營官兵六百名來至雅爾地方屯種築建城垣並派撥京健兩營官兵前來駐劄防守嗣於乾隆三十一



年經叅贊大臣阿桂具奏雅爾地方冬令雪大難以  
駐劄酌定移進二百餘里楚呼楚地方即現在塔爾  
巴哈台築城屯防乾隆四十年四十七年叅贊大臣

慶桂 惠齡奏請脩補二次乾隆六十年叅贊大臣烏彌伍

遜奏請脩補一次

宮殿

壇廟

塔爾巴哈台

萬壽宮

乾隆三十五年建於城內正北

關帝廟

乾隆三十五年建於城北樓上參贊大臣安泰奏

請欽頒御書匾對匾曰聲靈綏祐對曰威行遐服

肅豐慶新每歲春秋二季遵照部頒日期以香屯俎豆馨

燭牛羊致祭

綏靖寺

乾隆三十五年奏請建蓋內塑佛像每年喇

麻諷誦萬壽皇經

查綏靖寺自乾隆庚寅年建蓋至嘉慶甲子三十餘年剝宇頽塌叅贊大人宗室興肇捐金並該寺喇嘛募化將上殿兩廡重修金裝佛像並添建常馱殿一座

先農壇 乾隆三十五年建在南門外每歲遵照部頒日期以香燭牛羊致祭

山河七處致祭軸文係乾隆三十一年叅贊大臣阿桂奏請欽頒祭文七軸

塔爾巴哈台山祭文曰

維某年月日皇帝遣某官致祭於塔爾巴哈台山之神  
曰惟神衍脈天山効靈中土表崇高於北徼標形勝於西  
陸夙稱邊塞之屏藩聳重巒而特出永作鴻圖之拱衛  
環疊嶂以相維瑞靄祥氛答四時之靈貺升香薦幣昭  
萬載之懷柔秩祀攸隆洪庥丕著

巴爾魯克山祭文曰

維某年月日皇帝遣某官致祭於巴爾魯克山之神曰  
惟神列方兌位合鎮坤維疊蒼翠於層巒山陰鬱葱之嘉

禾虬枝吐秀靈踪標太華而遙雲葉交陰勝蹟紀流涉  
之外奠新疆而永固保障斯存護邊塞以垂庥馨香特  
薦尚希來裕永享明禋

巴克圖山祭文曰

維某年月日皇帝遣某官致祭於巴克圖山之神曰惟  
神挺秀坤輿建標兌位嵯峨設險奠崇基於月蝕以西  
磅礪鍾靈分大幹於天山之北通往來於諸部棧接梯  
連壯形勢於殊方峰層嶂疊高宗純皇帝八紘在闡六  
寓為家開菟裔之土田皆成沃壤起大蒙之亭障不限

docsriver 文川网  
入驻商家 古籍书城

在文川网搜索古籍书城 获取更多电子书

提封仰承靈貺之攸昭正值耕屯之廣布亘千盤而積  
雪暗浹溫膏摩萬仞以干霄同瞻巨鎮用是登諸祀典  
載在禮官俾旅祭之以時庶明禋之有秩自此興雲布  
雨長資亭育之功惟茲薦醴升香益廣懷柔之化神其  
來格鑒此苾芬

額密爾河祭文曰

維某年月日皇帝遣某官致祭於額密爾河之神曰惟  
神績奏安瀾祥符泰運地雖臨乎遠塞派原共此朝宗  
一水淵滄流未同夫竹箭千層歛灑風自息乎鯨波入



我版章共九河而貢順漑茲禾黍普百室以胥盈是用  
嘉彼靈長登之秩祀用答神貺永固鴻基

裕勒雅爾河祭文曰

維某年月日皇帝遣某官致祭於裕勒雅爾河之神曰  
惟神德毓靈源符標上善妙柔明而不滓抱清淨以無  
塵遠浦渟涵勢縈迴而似帶晴瀾皎晶光潏灑以如銀  
值衆部之輸誠知百靈之効順禾麻長養咸知布潤之  
功黍稷馨香宜有明禋之報用昭靈貺庶答神庥  
阿拉克圖古勒淖爾祭文曰